

者過而勸鮮尋頓足地震曰沙絕矣今環村五里
許無沙也

川 水利附

滙溪

發源戴雲山山頂有池分九派而下釋智亮詩有一池分作九條溪之句溪北流者二曰張巖溪曰盧溪合而爲赤水西溪東逶迤爲上湧溪逕下湧圍曰下湧溪次逕楊梅上圍曰上茶溪曰曾坂溪曰百葉溪曰湖頭溪曰李田溪入楊梅中圍曰湧口溪析而至善均里曰九竇溪入楊梅下圍曰螺潭由東北入永福界以達于海溪東流者五曰斐芹曰馬槽場合而爲龍潭爲左溪至均善里與九竇溪合曰上洋過涵口入石獅渡曰上雲爲漿溪至蕉口亦入于石獅渡曰中興坑爲林翰坑達于董坂橋會縣前溪溪南流者二曰東埔溪曰李山溪會流過丘店橋雙津橋爲白泉溪石山溪逕蘓津橋爲蘓溪又逕會政橋爲塗坂溪又逕魁龍橋爲西門溪過龍津橋爲縣前溪其水回環曲折俗呼腰帶水其名曰滙溪其北迤爲龍門橋十二翰溪與上洋上雲二水會于石獅渡向東北流與張

嚴盧溪雙芹馬槽四水同入永福界

蓋竹溪

發源蓋竹根山自塗坂溪與東埔李山二水相會
黃洋溪

發源和睦場雪山自白泉溪與東埔李山二水相會

大雲溪

發源雙髻山逶迤西流爲埔平溪

千倉溪

自黃斜溪橋與縣前滻溪相會

丁溪

發源瓊山入九漈溪經歐山溪大坑溪亦會于縣前滻溪先是溪水南行不與滻會古識云水畫丁羅簪纓宋元符間邑士林程捐貲五十萬買田請令方安道鑿九漈歐山盧大坑四溪水會于滻一夕雷雨洪流一縱一橫若丁字旣程子揚休由太學登第其後續世科擢州麾邑士亦相繼榮登云縣志程廣收圖史延宿儒合族子弟廩而誨之命閣醉經命堂教義蓋富而好禮者也

寨前溪

發源湖嶺頭其南流者自丘店橋與李山溪相會
西流者過尤溪轉歸永福乃入海者是也

石山溪

有相安寺宋曾丞相公亮之祖塋焉丞相時來祭
掃宿路傍山庵人遂名菴相安而寺之山有龍潭
潭面甚隘漁人云行一二里許水流入山下道黑
不能行惟近潭淺地遇斜照稍見其深杳耳嘗因
旱水嗇稍入探之見大魚一百爲羣黑龍殿後遂
驚遁不敢復入

佐溪龍潭

距縣百餘里巒山之間有上中下三涵如竇三泓
如龐涵水各入泓中上泓獨長夾以石壁高數十
仞其龐竇水聲如鍾遇陰晦或龍出上有龍王廟
宋守真文忠禱雨有應

雲居井 羅漢井 龍石二井 僧石井

溫泉

在縣東新化里源自戴雲山凡七穴

閩書卷之十一

方域志

泉州府

安溪縣

同安縣上

安溪縣在郡城西東抵南安西抵同安北抵南安南抵龍溪本隋南安縣地唐咸通中析置小溪場五代周顯德二年南唐始立爲清溪縣宋宣和三年改爲安溪元仍舊 皇朝因之凡一坊十五里統圖一十八

在坊圖一

山曰鳳山

歸善鄉

閩書卷之十一

方域志

泉州府

安溪縣

同安縣上

安溪縣在郡城西東抵南安西抵同安北抵南安南抵龍溪本隋南安縣地唐咸通中析置小溪場五代周顯德二年南唐始立爲清溪縣宋宣和三年改爲安溪元仍舊 皇朝因之凡一坊十五里統圖一十八

在坊圖一

山曰鳳山

歸善鄉

永安里統圖一

山曰黃龍 金龜 三公
北觀 宮山 黃蘖 產坑

社社

三公
產坑

長泰里統圖一

山曰大眉小眉 金龜 三公
馬旗山 黃蘖 產坑

社社

三公
產坑

光德里統圖一

山曰水湖 新巖
日天孫 三層添

積德鄉

新溪里統圖一

山曰驅馬 巍曰碧泉
嶺曰龍門 鐵峯

社社

碧泉
鐵峯

新康里統圖一

山曰龍蹠 穢勤 巍曰
洪恩 嶺曰磨鎔 石曰白膚

社社

白膚
石

崇信里統圖一

五代 詒 賦 仁隱居佛耳山留從
詹敦人名其里

山曰佛天

九

龍涓里統圖一

山曰石鼓 嶺曰石人吟詩
嶺曰石梯 筆架 內龜
山曰龍潭 湯曰溫泉

金田鄉

龍興里統圖二

山曰大尖 白葉坑 後洋
天馬 三笏 虎曉

山曰南斗

同發

朝天

還集里統圖三

山曰太湖 坑源 巍曰達摩
溪曰下湖 石曰仙人臺

山曰鐵鑛

大深

感德里統圖一

山曰大深

常樂里統圖一

山曰高蓋

高旗

覆鼎

脩仁鄉

感化里統圖一

山曰陳五郎

小尖

碧翠

來蘇里統圖一

山曰獅子

溪曰湖頭

吉添

崇善里統圖一

山曰蓬萊

嶺曰打鼓

太平

三峯玉峙一水環廻朱鳳廻翔黃龍內顧其形勝也

山

鳳山

縣主山也深宵袤長虛靜廣莫珠禽奇羽多集其

中故曰鳳山又曰鳳髻山又曰展旗山五代劉乙

隱其下乙字子真不知何許人仕閩爲鳳閣舍人

後隱是山與周朴詹君澤友所爲詩有掃石雲隨

帚耕山鳥傍人之句君澤嘗遺予排訪之贈以詩

掃石耕山舊子真布衣草履自隨身石壁立題

詩處知是當年鳳閣人觀君澤所贈乙詩乙蓋高

士也予讀五代史晉天福二年閩王昶遣使朝貢

高祖遣散騎常侍盧損入閩封昶爲王并其子繼

恭主之遣中書舍人劉乙勞于館乙見損衣冠偉

然駕僅甚盛他日遇諸途布衣芒屨而已損使謂

之曰鳳閣舍人何倨下甚也乙羞愧掩面反走心
疑之夫乙故高士閩王遣之勞晉使蓋明欲藉以
爲重成禮偉盛途事芒布政隱者之致羞愧掩走
必損惡昶託疾歸言其主文致之詞而歐陽公仍
之耳抑損以上國之使入閩何得無驕從前呼乙
必待其至前方見而反走耶後君澤子珙亦隱是
山陳洪進薦之朝固辭號鳳山山人山頂有庵曰
鳳池朱文公留按事於此題句庵壁云心外無法
滿目青山通玄峯頂不是人間

國朝令龔穎

改庵爲文公書院宋令陳宓勸民歌曰我有衍土
鳳山之陽昔焉蕪穢今則歌農業旣溫且飽復舊
乎典章嗚呼帝力於我其忘

黃龍山

鳳山對山也下有黃龍津又名龍津山又名登高
山宋令陳宓修禊序曰得暇日邀佳友尋勝地賞
良晨昔兼爲難况綰銅束帶吏道拘迫僕來安溪
愛其山水事煩才短此事俱廢積雨快晴更以休
告童子曰非禊辰乎於是命友聯騎東出龍津橋
步登高山山上有臺翠巘旁繞下瞰曲湍如過几
席盈行到手疾於飛羽詠蘭亭之章如與昔人同

處一席少焉西登鳳池橋憇于中亭清風掀袂如
跨虹登漢峯舟抵流惠亭平湖偃日紫荷刺水白
鷺窺人草木芳蔚遊人堤上不絕依稀錢塘西湖
酒半假筆旁舍即景成詠回泊雙清閣五峰屏立
一水鏡淨觴一再引日薄意戀戀猶未足嗟乎樂
不可極遊不可放詩以蘭亭修禊爲韵云按流惠
亭在縣西陳塘上舊名水花亭有蘇氏子於此遇
尉不避尉譙呵之命爲賦賦立就乃釋之故以流
惠名亭後以塘生雙蓮改曰瑞蓮嘉定間以塘爲
放生池復名流惠龍津稿宋令趙師戩所建鳳池
橋則接於鳳山宓所建也令趙彥侯記曰自建二
橋邑人物始盛陳宓龍津橋詩兼旬積雨截晴虹
洗出溪山罨畫中別浦漁歌來暝色長橋人語半
秋空詩話摠龜黃龍山產蔬菜特美故曾魯公有
飯思白石紅桃米菜憶黃龍紫芥心之句

金龜山

縣東南水口山也以形名舊有識龍向江頭角龜
向東躰開蓋指黃龍與此山

三公山

山有三峰中似公字又曰文筆峰旁有龍水巖東

峰頂有池大旱不涸旁有仙人石棊盤卽南安界之麗碧山也在安溪又一面勢矣山下爲宋張讀所居有龍潭宋守真文忠於此禱雨

北觀山

山有石笋高三丈曰牛心石下有溪水廻環縣治名北地灣

黃蘖山

一名南山又名午山深林邃谷有笋蕨稜稻之饒稜卽福也
畬田所種山顛舊傳有遇仙者從之而往越甸方歸山腹有五峰巒又名頭陀巒

產坑山

宋處士周朴居此有瀑布泉其前有塘又名周塘山朴見福州烏石山

象山

又名象運山界南安

林尾山

山半有盤石可坐數十人中虛如宮

宮山

旗山

閩山

司書

卷之二

方域

秀語

又名浪來謂其山勢似蹙浪然其半爲閩苑巒先是清水巖普足禪師嘗坐是山指曰真佛家鄉也後數十年當現身於此建中靖國元年示寂紹興四年七月十日雷火燒山自夜達旦鄉人異之躋攀崖險至石門人跡不到處見白菊一叢薑三叢香爐一普足在焉俄頃雲霧擁之上昇遂即其地創廟宇爲清水別巒普足詳見下蓬萊山又有仙姑巒相傳有馬氏女採花巒中後成仙也宋有扶風馬大仙廟下有月潭以其形如半月大旱而雩龜浮卽雨潭中蓮花石出水高三丈餘

牝牡山

大睂小睂山

二山也其形如睂又名睂田山宋令黃銳詩一橫復一嶺一巔復一巔步丘皆力穡掌地也成田

羅漢山

自大睂發脉宋有名僧來此一日騰空去又名羅漢巖又羅漢山亦曰九仙巖下有羅漢渡

馬旛山

高田山

與大小二睂俱界南安

廬山

山下有廬氏居之五代行傳禪師脩行山中常有二虎馴伏廬門前數松一夕自仆師爲起之廬遂徙宅而延師

烏巖山

地名貴湖有瑞蓮龍安二巖瑞蓮巖有石室可容二百餘人前有池甞產雙蓮龍安巖前有石筭卓立溪心五季間有清豁禪師居之清豁名玄應福末泰張氏閩龍啓初肄業神晏國師具戒事參謁永和坐夏招慶法因席夜聞油燈聲爲偈曰分明坐裏見身光迢迢虛明照四方復見身於光裏見身將光相不相妨凡聖共同真去處非凡非聖莫思量以似因因曰上坐自證之心乃異於昔而異非異善自保持還同冲煦造小界山契如庵主遂詣杉庵晤語及夜豺虎馴擾豁爲如更室大章山旋移蒲中庵居去見睡龍道溥與相證明溥大悅許之南唐保大末置泉開元上方院旣留從効延主帝之保福宋建隆三年辭衆曰聚如浮沫散如雲聚不相將散不分入郭當時君是我歸山今日我非君遂行跋涉三嶺苧溪修阻多癘毒吟曰世

人休說路行難鳥道羊腸咫尺間珍重苧溪溪上
水汝歸滄海我歸山至貴湖愛其精邃休居焉刺
史陳洪進奏賜紫方袍號性空禪師豁所居門無
牡鑰薄曲障風而已隣玄應時齋倡山中太平興
國元年冬戒門人以其遺骸食蟲蟻勿塔入峴巖
坐盤石上長往留七日神色儼如入定火而散之
得舍利三百

白菊山

山多白石望之如菊

荷葉山 瑞峰山

龍塘山

山曰龍塘嶺曰龍門廟曰龍王廟下潭曰龍塘潭
懸瀑數十尺二壁夾立舊嘗禱雨有龍見古有龍

門驛通同安縣

鐵峯山

山頂石起數丈如鐵砧俗名鐵砧山下有慈濟巖
龍山 大漈山

駟馬山

山勢如馬有石廣二百餘丈人呼則應名曰應石

龍蹤山

山勢蜿蜒石上有龍跡下有廟有潭

彌勒山

佛天山

以形名又名佛耳五代詹敦仁謝令後隱此作堂
清隱自爲記去邑西踰百餘里有山曰佛耳峭絕
高大遠跨三郡有田可耕有水可居予卜而築之
榜堂曰清隱若夫烟收雨霽雲捲天高山聳鬢以
軒騰風梳木而微動寒泉聒耳戛玉鳴琴非宮非
商不調自協非絲非桐不撫自鳴春而耕一犁雨
足秋而歛萬頃雲黃飢餐飽適遇酒狂歌或咏月
以嘲風或眠雪而瀨石

九峯山

在佛天山前詹敦仁作望雲亭面之目曰九仙

北巖山

上有石鼓石基盤石跡在焉

石鼓山

舊傳有仙人抱石如鼓置盤石上手抱痕及脣跡
尚明又有石如兔望月又有巨人手跡

筆架山 內龜山

白葉坑山

山產白竹葉地名白葉坂

皇朝嘉靖二十七

年僉事余贖於此平賊築城堡戍以官軍移源口
巡簡司添額兵共守之今廢惠安張岳記安溪縣
西南崇信里白葉坂九龍洞大尖小尖諸山綿跨
泉漳汀之交百數十里重岡複嶺林菁蒙密姦徒
保聚至數百人去冬出刦安溪徑抵同安郭外刦
數大家質其男女求贖屯二十里外弗去僉憲余
公調官兵與文武將吏分部追之賊走還白葉坂
保險旅拒公馳兵親將進逼坂口斬首數十級遂
薄諸險搏鬪數十合相持幾一月以其間探諭巢
穴遠近險易分兵掩擊賊魁陳日暉與其黨悉就
擒賊巢既空公建議移戌坂口彈壓之是時泉州
饑饉之後物力消耗海寇番舶警報日聞安溪山
寇又作人情惶駭官吏閉城非余公決機之敏出
身先之安能使衆心翕奮以有成功東有陽益山
後洋山

山最高下有大洋田一名大洋山

天馬山 三笏山 虎耽山

南斗山

上有六小山布列如南斗又有大帽山迎富山松

洋山

同發山

高山也又名銅錢山

朝天山

高山也上有天寧巖

坑源山

高山也上有普陀廟

鐵鑛山

以產鐵名旁有桃洲山

大深山

下有大深湯湯泉也

高蓋山

高旗山

覆鼎山

界永春以形名山高大可見百里

閭平山

陳五郎山

山最高晴明可眺海上有石平廣裂痕如砌成者
有巨人跡舊號仙鋪庭下有龍潭祈雨輒應障水
口者有五山

翠屏山

山有巨峯介還集來蘇龍舟感化四里間故名大尖宋宣和間道人黃惠勝自永春來居小尖又自小尖徙此初徙時尖有異光人怪之往觀則惠勝在焉因巖架屋屋用鐵瓦悉飛遙而至紹興甲寅示寂水旱應禱或有青蛇之異人因去其尖字名曰太山後有顯應大師脩行其上師末春黃氏子精禪契佛鄉值旱禱不應師曰我能人未然之聊就誦經經罷日大眾急歸少選滂沱時號黃水車後坐化

碧翠山

二二峯壁立甚峭山半有魁峯

小尖山

在翠屏東道人黃惠勝自永春來居此號山曰寶峯結臺峯頂曝身求雨既徙居於大尖語人曰此地後必爲于城市劉寶來吾庵其爲廳事乎其後臨汀寇至鄉落砦尖頂禦之朝廷遣官捕寇兵果駐故庵其官姓劉名寶也

雪山

古有廟山上有積雪歲旱禱之若巖澗滴瀝卽雨

碧山

以形名又名侯山上多石下有龍仙廟

皇朝

洪武間胡氏女名仙英自幼不葷不狎稍長得墨
刻黃庭經寶惜如頭目焚香跪誦誓執不嫁及笄
婿來親迎女乃白日飛昇次日山旁有降真藤盤
結如椅女現身坐寂焉旁有昇平山東甲山

蓬萊山

故名張巖山巖水清泚名清水巖宋禪師普足道
場也普足永春人幼出家大雲院長結庵高泰山
往事大靜山明禪師業就辭還乃勸造橋梁數十
所以度往來後移庵住麻章爲衆請雨如期皆應

元豐六年清溪大旱便村劉氏與鄉人謀往請之
比至雨隨霑足衆情胥悅有築室延居之願迺於
張巖山成屋數架名清水巖奉居焉普足術行建
劍汎漳間檀施爲盛居巖十九年造成通泉谷口
沃口諸橋砌洋中亭路糜費巨萬皆於施者始草
創時其徒楊道周明於巖阿累石爲二窣堵臨崖
距壑非人措手若有陰相之者其餉工匠巖石中
自出米匠斷手而米絕中有公銳者久不茹葷堅
持梵行普足悅之一日囑以後事說頌訖端然坐
逝享年五十七建中靖國元年五月十二日也遂

近全集瞻禮讚嘆越三日神色不異鄉人甃塔刻像事之稍或不虔輒有雷電迅擊之異巖舊巨石當路不便往來一夜轉于道側有婦人投宿者巖前麻竹四裂遂不敢入分身應供現影食羹凡所祈求無不響應宋累封昭應廣惠慈濟善和大師普足塑像大是黧黑俗傳初築室是山時有鬼窟會鬼故穴其中普足與約吾與若以法相勝鬼曰諾置普足穴中薰之七日夜普足不死出曰汝任吾治出一布懸崖側請鬼坐其上鬼盡往坐布斷盡墜巖底遂逐而穴閉之今像黧黑被鬼薰致然也又傳山寇至斲斷像鼻僧人取以傳之了然無跡顧居常在也有不懶鼻輒不見頃之或得諸袍袖中或得之胸腹前至今郡邑祈雨必迎奉之有截竹徑徑有含笑花普足所種其枝至徑而返尋復內向又一奇也宋有來憩亭嘉定中令趙彥侯甃池引泉公暇則携琴遊息於此 皇朝邑人詹仰庇詩面擁琪林翳耳喧玉髓鳴一時天幾色半榻鳥千聲

東嶺

與龍門嶺俱通同安縣

磨鎗嶺

通長泰縣

吟詩嶺

石人嶺

嶺下有三石如人

石梯嶺

巨石高峻有五十餘層昔超才大師居嶺塢凡客至輒有老鴉噪於簷獮猿爲之焚火烹茶師每下山赴齋歸至半嶺有虎迎迓騎之至菴

寓思嶺

界龍興感化二里

大嶺

在縣西北通永春界

吉深嶺

界永春縣

打鼓嶺

通永春縣

水湖巖

新巖

青林巖

邑巖之最大者宋時清水爲上青林次之

碧水巖

巖背有石可容百餘人水出其下曰碧水

聖泉巖

洪恩巖

右有漈水百餘丈樹林幽勝

烏石巖

其石如屋方員十餘丈宋釋頭陀居之名護國巖達磨巖

故名玳瑁宋僧達割居因名達磨巖有石獅宋令陳宓扁曰獅子峰

太湖巖

宋有道人張道源者自德化來居道源已見德化龍湖山龍湖一名太湖道源居此以太湖名巖仍舊隱也其起手時邑有巨室山多杉木道源往施巨室日視木未折者即以奉君亡何風大起木盡折既得木矣又莫致之乃自山頂湖中先後挺出匠告曰木足矣遂止不挺今木頭半挺尚在湖中安溪稱三巖之奇曰普足構清水自出米法勝構太山自出瓦道源構太湖自出木邑人稱普足曰昭應祖師道源曰惠應祖師惠勝曰顯應祖師

惠林巖

宋乾道間崔道人脩行之地嘉定中陳宓扁額惠
林又名月峯巖

太平巖

獅子巖

舊名歐巖宋淳熙間道人張法慈創居

白胸石

畧似人形天旱石帶白雲則雨

龍虎石

兩石相對一高而青一伏而白

芹石

仙人臺石

石臺高峭垂深百丈上有柑橘李仙人跡

虎跳石

蓬溪中有四石高丈餘有巨人跡虎跡一名仙人
跳

川

湖頭溪

自縣北常樂覆鼎諸山發源至建口渡歷新魁渡
又合坑源諸山之水至感化爲下林渡而來蘇昇

平諸山之水注焉溪有馬上灘淵灘當溪阻石數百丈水從石罅出 皇朝正統間邑人李森鑿之以通舟水遂深廣便裝載

下湖溪

發源自銅錢山自還集里至龍興里

龍潭溪

發源自龍興崇信二里達于源口渡湖頭溪之水至此分而爲二其下爲家藍灘勢甚奔激而白葉坑後洋陽益諸山之水又注焉中經湯港灘便峒灘仙人跳灘流倒藤灘溪口灘芒洲灘石圳灘東

淵灘至于縣治西北爲吳浦渡

藍溪

自北巖根竹吟詩諸山發源合新康龍蹤諸山之水至大洋渡又合依仁龍塘烏巖諸山之水至粵下渡始通小舟又流爲凌淵渡而溪稍大至于薛坂渡與吳浦渡溪乃合爲一入常淵渡其下有蘆瀨灘抵黃龍渡曰藍溪以水香如藍名龍津渡在其下達縣東南爲學前灘歷北地灣東出羅渡經葛磐灘桶鈎灘石佛前灘參峒灘夾門灘象前灘溪友灘西淵灘田隙灘至南安珠淵渡達于雙溪

日入于晉江又有派出崇信里之九峯山有水逆流東北則入于漳州龍溪縣之九龍江又一派出還集里之同發山有水逆流西北入于長泰縣是又藍溪外之別派也宋有驛在縣治名藍溪驛尉羅時用詩寥寥孤館白日靜醉睡有魔那得降扣戶故人風動竹亂箕羸馬浪翻江飛殘蠟蝙燈罇壁啼盡栖鴉月到窓堪咲浪遊成久住一秋羸得鬢絲雙薛坂渡頭有石刻仙苑二字蒼雅奇古不知何代人書 皇朝隆慶間浴溪者得而出之

黃潭

在縣東五里許大溪中是地有黃潭村有塚三十六塚皆花磚數十步有亭號御亭相傳爲吳王墓亦不知是何王也

白瀨龍潭

界來蘇感化二里旱鳴則雨雨鳴則晴

三層漈龍潭

漈在馬旂山山色幽黝有三潭下一潭最深有龍王廟傍祀一尉云尉嘗禱雨於此訶責道士必求見龍龍見形示尉尉還大雷雨擊剝斃之故祀於廟傍宋志參村龍潭廟方二丈餘側有大石遇禱

雨龜現則旱蛇現則雨

皇朝嘉靖七年二月

旱甚令黃憚免冠帥士民禱潭下三步一拜果雨三十一年六月令汪瑀望潭請水徒跣路拜雨亦隨應

湯泉六 蓬溪湯在湯港灘旁舊名便付湯 橫山
湯 温泉湯 金湯有上金湯下金湯 華湯

大深湯

佛泉井

相傳昭應禪師過此天暑渴甚無井可汲一老嫗汲澗泉飲之師感其意卓杖出泉隨甓爲井

同安縣在郡西南東抵南安西抵漳州龍溪縣南抵大海黃牛澚北抵安溪晉太康三年置縣屬晉安郡後省隋爲南安縣地唐貞元十九年析南安四鄉置大同場五代唐天成四年王延鈞升場爲縣宋元仍舊 皇朝因之洪武元年設在坊二隅里十一都四十四二十年徙大巒小巒二都人民於內地永樂元年併爲三十五都成化六年二都人民奏復其舊凡二坊隅十一里三十七都統圖五十有三

東北隅一圖

西南隅一圖

西南隅二圖

長興里

未未
豐鄉

一二三都一圖

溪日東溪

北山龍潭

西溪

廣濟

巖泉日董塘

從順里

宋未
豐鄉

一二都一圖

山日聖水泉

大羅象運

豪山

一二都二圖

蓋

嵐山

天柱

岑呼

三都

山日大輪

大羅象運

三秀

胡營

四五都

山日洪巖

山日

小同

感化里

宋未
豐鄉

六七八都

山日應城

大鳳吳淮

斗拱母山

歸德里

宋未
豐鄉

九十都

山日蓮花

溪日蓮溪

大尖石馬

龜洋深

福巖

西源溫泉

坑

同禾里

宋綏
德鄉

四都

山日九蹕

同山

石日御踏

潭日侯山

山日孤卿

龍潭

福船

鷺山

五都

山日九蹕

同山

石日御踏

潭日侯山

山日孤卿

龍潭

福船

鷺山

山日九蹕

同山

石日御踏

潭日侯山

山日孤卿

龍潭

福船

鷺山

六都

山日九蹕

同山

石日御踏

潭日侯山

山日孤卿

龍潭

福船

鷺山

七都

山日九蹕

同山

石日御踏

潭日侯山

山日孤卿

龍潭

福船

鷺山

民安里

宋德綏

八都

九都

山曰黃漸

十都

十一都

山曰鵲山

香山

集書

金山

普陀

漢口酒

洲

泉曰小嶼

翔鳳里

宋德綏

十二都

山曰三魁

十三都一圖

山曰三魁

十四都

與曰白與

寶珠

十五都

山曰夕陽

三重

與曰

十六都

與曰小巒

大巒

泉曰瑞泉

十七都六圖

與曰活洲

來與

十七都八圖

十八都一圖

十八都二圖

十八都五圖

十九都一圖

十九都三圖

二十都

嶺日小擔 檳榔 大擔

烈嶺

嘉禾里

宋綏
德鄉

二十一都一圖

嶺日嘉禾

二十一都二圖

二十二都一圖

石日官榮 虹井

潭日龍湫

二十二都二圖

嶺日鼓浪

二十三都一圖

二十四都二圖

嶺日離浦

二十四都二圖

仁德里

宋明
盛鄉

十一都

十二都

山日苧溪 溪日苧溪

十三都

泉日洪前 临果

安仁里

宋明
盛鄉

十四都

溪日沙溪

十五都

十六都一圖

十六都二圖

積善里

宋明
盛鄉

十七都

山曰崑山 嶺曰吾通

十八都一圖

泉曰湯兜溫泉 蛟井

十八都二圖

山曰文圃

十九都

石川白礁

二十都

東南海島獻奇十一在前西北峯巒擁秀十六在後其形勝也

山

聖水泉山

端平巖

豪山

自聖泉山過豪嶺起是山最遠而大南行起金鞍山如馬鞍也又名天馬矣其上石罅有泉大旱不竭下有豪山廟宋王明叟碑記祭法山林川谷丘陵能出雲爲風雨見怪物皆曰神又曰能禦大灾則祀之能捍大患則祀之縣東南三十餘里曰豪嶺又南一里曰豪山山巔有龍潭天將雨龍擊水聲如鐘磬時有蟹五色出潭傍山麓故有祠雨禱

輒應崇寧三年詔天下名山大川有功於民者釋
所在州縣立廟攝令趙君文仲奉詔書度材鳩工
廟成扁豪山焉初朱文公主邑簿嘗詣祠禱雨雨
立至淳熙十一年春夏旱令鄭侯公顯崇于潭是
夕雷電交作俄雨大霆紹定癸巳四月不雨西山
真公遣吏謁祠爲文告龍神越二日雨明年端平
甲午六月不雨守竹湖李公修真公故事未幾大
雨遣吏謁謝所謂能出雲爲風雨者歟豪嶺苧溪
間林薄陰翳虎豹所穴民有王姓者父子號訴于
神募善射者一射中之先是秋疫熾盛病者十室
六七夏蝗蔽天食苗幾禍獨近廟數十里人無札
瘥蝗不害稼白桐嶺與漳接魁鼯出沒不常紹興
盜起統制陳敏出兵剿賊神發蜂樵之紹興庚寅
陳三捨掠永春撤德化縣掀起長泰距境才二十里
居民賴神以安所謂能禦灾捍患者歟廟建於崇
寧癸未淳熙戊申新之修於嘉定甲申咸淳丙寅
重修之董役鄭遂應等請書其事遂書 皇朝

成化十二年旱令張遜脩故事雨立至復新廟

寶蓋山

豪山之支也又名寶傘望之圓秀

崑山

在文圃山南山有盤石巨人跡故取崑崙玄圃之義未有道士名虛極者菴此山下徽宗賜號金壇郎

天柱

危峯屹立若天柱矣與長泰界詳見長泰

岑坪山

下有瓦窯亦名窑山

大輪山

出東門外里許兩峯齊出如車輪其中黝深幽邃

西南一峯屹然倚空名羅漢峯宋建梵天爲邑叢林之冠朱文公詩休暇曹事簡登高恣窺臨徜徉偶此地曠望披塵襟落日瞰遠郊暮日生寒陰歡餘去未已更欲窮幽尋行披茂樹盡豁見滄溟深恨無雙飛翼徃詣蓬山岑元僕玉立詩羅漢山贊翠作堆半空天柱擁如來九霄人立青雲上笑指

曇華玉樹開又有金光井蒼翠岑金牛石湫流泉尊者巖達夫巖朱文公戰龍松瞻亭極目七字皆爲勝蹟達夫巖三字書絕壁上達夫邑令莫兼字也旁書皇祐庚寅季夏乙酉莫兼達夫張士宗元

卿黃宗曾希聖陳綜總之薛穎士之材林鑄成之
錢城子重宋溥君覃揚又中景常遊興教寺北農
院越明日王儀子正至諸君並一時賢者傾蓋於
是故紀其盛而以今字名巖戰龍松松已亡矣其
字在耳瞻亭二字摹刻於石今石陷字畫倒掛亦
一景也翠微之際文公書院在焉

皇朝林希

元記

三秀山

去城北五里三峯秀出爲邑北鎮又名仙人亭上
有石榻如禪床及巨人石

葫蘆山

自三秀而來逕東山入縣城西北隅突起若葫蘆
又有四小山俗呼五蘆山縣治腦山也宋蘇丞相
頌宅在其下

大羅山

山界南安二縣並載山西南又有蠟蠟巔有蠟
殼又西有浮潮山界相傳潮至其上

象運山

在縣東與禪居山對峙每有雲氣生二山之上雖

旱必雨

北辰山

去城東北二十五里取高拱北辰之義上有巖其側有十二龍潭潭側有二磜東鳴則風西鳴則雨洪巖山

山頂有石巖高大昔有邑士洪姓者隱此應城山

去城西北里許上有普慈院僞閩時傳院中鐘聲與王城中鐘聲相應

斗拱山

去城西北三十里其勢高拱北斗上有石巖西有高齊山重岡疊翠山澗生九節菖蒲

西山

亦名天龍山在縣西十餘里上有巖曰西山巖又名白雲巖有聖泉一井湧出其右旱禱輒應

大鳳山

去城西北三十里形如鳳翅

吳淮山

去城西北三十里高聳雲霄若可以望吳淮之地

蓮花山

去城西北三十里與寶蓋山相映舊傳其下多產

貴女又名金冠山又名夫人山頂有石巖南向陝
之衆山皆小朱文公題曰太華巖蓋取華岳蓮花
之義

大尖山

去城西北四十里高數百丈界於安溪三秀山之
發脉也

龜洋山

去城西北四十里其形若龜有化度慈相雙林三
院

九曜山

去城東三里許自臥龍山行而西九頓九伏而爲
是山蜿蜒至雙溪口縣左臂也山南爲佛子岡隋
時有黃佛寺莆田黃氏女脩持淨戒後端坐蛻去
因立寺祀之宋崇寧間賜號應大師

皇朝萬

曆庚子令洪世俊塔焉表爲學宮之文筆明年許
編修辭遂魁南宮麓有蔗坑元時陳貞女者葬其
下貞女邑東里人林州判岡孫誌墓曰貞女父陳
大臨母張女以至元壬午臘月二十五日生幼常
嬰疾長誓不嫁父母親戚強不可奪共女事不出
戶己酉喪父時二妹猶未笄越五載復喪母弟登

忽有鼓盆之變女相登治喪葬畢婚嫁咸有條理
季妹適康早世惟存一女教育訓飭得其所歸先
盧歲久勉登堂構晚慕西方法日與女流持齋膜
拜年五十八卒至元己卯七月二十七日銘曰許
嫁而字著於禮經女子不字易稱其貞十年且難
而况一生彼美人兮玉雪同清題曰貞女百世其
馨後有圖史徵諸碣銘是墓也至 皇朝萬曆

四十一年癸丑三百餘年矣久化園圃鋤犁其上
一日耕者闢地得坂發之坎也石鐫甚楷莫知何
物邑人葉國欽得之而張之俟讀之喟然曰是貞

女也相與詫歎市石鐫碣曰元貞女陳氏墓請園
主坎其墓誌即畛爲封祭而表之之侯父靈壁今
日益作記曰予論貞女之世所爲極難矣妻繼庶
母伯叔母兄嫂元人夷狄之習耶女母亦素聞禮
教寧矯情不字以示胡俗必不可淪胥女德必不

可染汙獨醒獨清天固稟之遡女生年月是元殺
宋文丞相之時造物或有意焉女卒之歲時則中
國聖人已生乾坤且再造禮樂且再復矣用是知
陽九之運中國不能却其來光岳之氣胡狄不能
斷其脉抵今三百餘年猶若以荒園靈爽駕清風

而遊恍惚君子曰異哉同有是文也

同山

在縣東北里許一名梅山與大輪相映對石鐫同山二字朱文公筆也

黃漸山

界南安縣見南安

鵲山

在黃漸南秀拔如鵲跋是生東園

香山

去城東四十里上有佛巖其巔有石如香爐雲氣裊裊如烟矣舊名荒山今朱徽改今名

乍畫山

在磨山西盤踞十餘里多奇石如鼓如笏人見其峰巒儕秀以畫名之山下路旁有石如魚其高四尺有餘長一丈四寸舊傳居魚頭者貧居魚尾者富下有海港二百餘丈宋邑人許伯垓爲橋

金山

在城南四十里其山圓麗旁有尤保山

普陀山

與金山相連上有清水巖又連接雙髻山兩峯並

峙亦名鐘鼓山

三魁山

去縣東四十里三峯奇秀爲邑最

夕陽山

在城南六十里以西山最高故名夕陽上有遁跡
巖真寂寺唐宣宗居邸時遁跡此巖三載後還京
卽位勅賜真寂禪寺云宣宗與黃蘖斷際和尚山
中觀瀑聯句蘖先詠云穿巖越壑不辭勞到底方
知出處高宣宗續云溪澗豈能留得住終歸大海
作波濤又詩惟愛禪林秋月空誰能歸去宿龍宮
夜深聞法食甘露育在蓮花世界中去寺里餘有
石方二丈許有巖號國師巖國師僧懷暉也懷暉
別見福州方山巖前有石橫卧扣之如敲巖頭一
竅相傳宣宗時中出米足供食宣宗去遂不復有
按唐宣宗長慶中封光王唐書弟稱韜晦未嘗遁
跡而唐尉遲惺作中朝故事載宣宗憲皇少子也
皇昆卽穆宗也穆宗敬宗之後文宗武宗相次卽
位宣皇皆叔父也武宗初登極深忌焉一日會鞠
於禁苑間武宗召上遙覩瞬目於中官仇士良躍
馬向前曰適有旨王可下馬士良命中官與出軍

中奏曰落馬已不救矣尋請爲僧行游江表間會

昌末中人請還京遂卽位則其事固有據者文醫

際傳法洪州裴休師事之亦名所居山曰黃蘖亦
載宣宗與蘖觀瀑詩未知孰是第余至是山下有

浴龍池云宣宗將至時先一夕伽藍現夢寺僧明

有皇帝浴此僧行山下見宣宗浴池中稽首稱萬

歲宣宗詰其故云伽藍現夢及入寺宣宗舉手指

伽藍頤曰饒舌洩語伽藍爲之西轉今塑像仍舊

皇朝漳南林魁題二詩後云相傳詩爲唐宣

宗龍潛此寺而作通鑑不載胡氏以爲鄙妄無稽

余按尉遲惺中朝故事有足證者而茲寺遺跡昭

然表文詩詞當亦不誣豈胡氏偶未考與魁所稱

表文則宣宗舊出家衡州花藥寺爲刺史盧景回

所困上書以聞景回坐誅罪及九族其表亦刻寺

中表云臣僧瓊俊忽日愴悴不奉躬辭厭皇宮布

幻之身所以樂菩提之路故乃烟波浪跡雲水遨

遊禮金仙爲出世之師披綬褐作離塵之客偶因

訪道直到衡州花藥寺被蓮臣盧景回不訓之男

携杯入寺摘佛花菓毀辱僧徒將有罪者同不刑

科將無罪者枉遭囚獄登長天而無路望雲漢以

難通深慙大覺世尊有賴聖朝之護恭惟 皇帝

帝陛下十六哥哥開龍顏之寶鑑憫骨肉之微僧
展鳳閣之精威滅逆臣之種族專令獄吏王猷上
奏冒瀆天庭罪當鼎沸僧瓊俊瞻天仰聖下情無

任激切屏營之至謹表以聞 皇帝判云朕之

骨肉尚被欺凌何況凡僧豈能安跡先斬盧景四
一身後誅九族改衡州爲恒州移去吏卒王猷勅
令永充本州太守仍詔通行天下符到奉行各令
知悉末云黃蘖立余以萬曆乙未奉謫入粵西過
衡州舊僚曾鳳儀邀余花藥寺云唐宣宗出家於
此而湖廣志及衡州府志花藥山並不載此事又
唐書並未嘗改衡州爲恒州且天誅及九族非刑
章矣武宗舊以穎王居十六宅是也而宣宗於武
宗爲叔父行又不應稱哥哥姑闕之

三重山

苧溪山

去城西三十里下有苧溪溪水出自桐嶺地蟠所
蟠蟄色多黑爲涉者病大觀中邑人徐誠始橋之
王明叟豪山廟記載虎豹所穴而釋清豁行苧溪
詩有鳥道羊腸之句舊志皆謂唐末宋初山修阻

多毒今則曠然修途矣清露見安溪烏石巖山又
苧溪山下有陳婆陂亦唐宣宗命築云宣宗通
跡過此有陳婆者進麥飯問之以旱田對及卽位
後命有司築陂名蘇營陂可灌田數百頃而俗名

陳婆云

文圃山

去城西六十里南濱大海四望圓秀名十八面山
唐謝翛與其弟修讀書於此人名其山文圃後南
唐主簿洪文用與族人澤宋崇寧中處士石蕡亦
隱此山翛見縉紳文用當五季分裂之時不爲世
屈蕡字番甫以世胄薄游鯁論忤時浩然而歸三
人隱居山下里廬相望詞藻並推清節玄風後先
扇映嘉定間鄉人楊志作三賢堂西蜀何致一爲
記宋石虧廣慈院記略曰文圃山土無頑石木無
荆棘松蘿邃幽翠色如畫深洞長谷自然天成佛
祠相望雲名者凡四雲嶽雲峰雲泉雲嶠皆其支
也其山又有龍池巖石蕡所廬半山又有泉南巖
良才山國師僧懷暉良才山下人也其支爲龍門
五通嶺山界海澄海澄亦載是山

卧龍山

上有龍山巖

孤卿山

在縣東里許宋太府少卿林棐居其下故名

東大帽山

去城東三十里廣袤十餘里形若大帽上有巨石如九成之塔下有大帽巖自然巖室方高丈餘鏽石佛其上有龍潭焉山之陽曰白雲山有清水巖宋時建以祀昭應慈濟大師忽有童子衣緇坐險石上謂人曰巖成之後當名龍歸忽不見尋有甘泉湧於所坐石下人名聖泉山又西去八十里有

西大帽山

福船山

去縣四十里宋有福船院記略曰吾泉之山莫多西南其高絕者莫福船儼也雲開霧卷群峰列秀此山峭舉獨出勢若船矣鄉人奇之加名曰福云余謂鮑照有侍宴覆舟山詩嘉名故自綱邈何必

福者

鷺山

一名鷺峯

崑嶺山

自東大帽山發源至此平地突起其形如象二溪夾流至此會合入海名曰蓮溪

寶勝山

山下有地名寶勝營今曰劉營昔有劉日新者討賊於此日新固始人仕唐爲金紫光祿大夫乾符中黃巢寇閩日新領兵追至大同休營此山之下開浚陂塘以資軍食歸京未幾復討賊老于寶勝營遂即居于此日新有孫崇敏事陳洪進歷永春龍巖令後事宋遷仙遊令弟崇牧亦與官其裔曰半千與蘇仲昌同時召試賢良方正直言極諫科會罷大科不果試特奏補官又日新一名祐其所築陂在從順感化歸德三里名官陂亦目石盤陂今廢

閩書卷之十二

方域志

泉州府

同安縣

永春縣

山

五通嶺

嶺祀五顯有二石夾路其一高百餘尺石上有跡
若魚頭上向者數十上刻龍門二字云宋文丞相
從幼主過此所刻予嘗至其處嶺路峽峻非通道
也幼主又自龍窟登舟入海亦不叶取途唯嘉禾
嶺有五通嶺幼主所過廻此嶺也又文丞相未嘗

臺灣國家圖書館, NATIONAL CENTRAL LIBRARY, TAIWAN. R.O.C.

閩書卷之十二

方域志

泉州府

同安縣

永春縣

山

五通嶺

嶺祀五顯有二石夾路其一高百餘尺石上有跡
若魚頭上向者數十上刻龍門二字云宋文丞相
從幼主過此所刻予嘗至其處嶺路峽峻非通道
也幼主又自龍窟登舟入海亦不叶取途唯嘉禾
嶺有五通嶺幼主所過廻此嶺也又文丞相未嘗

臺灣國家圖書館, NATIONAL CENTRAL LIBRARY, TAIWAN. R.O.C.